

GUACANAGARI	PONTIAC	BLACK HAWK
MONTEZUMA	CAPTAIN PIPE	KEOKUK
GUATIMOTZIN	LOGAN	SACAGAWEA
POWHATAN	CORNPLANTER	BENITO JUAREZ
POCAHONTAS	JOSEPH BRANT	MANGUS
SAMOSEY	RED JACKET	COLORADAS
MASSASOIT	LITTLE TURTLE	LITTLE CROW
KING PHILIP	TECUMSEH	SITTING BULL
UNCAS	OSCEOLA	CHIEF JOSEPH
TEDYUSKUNG	SEQUOYA	GERONIMO
	SHABONEE	



TO PERPETUATE THE HISTORY
AND DEVELOPMENT OF THE
PEOPLE REPRESENTED BY THE
ABOVE CHIEFS AND WISE MEN
THIS COLLECTION HAS BEEN
GATHERED BY THEIR FRIEND
EDWARD EVERETT AYER

AND PRESENTED BY HIM
TO
THE NEWBERRY LIBRARY
1911

421

0314

22

A (R)

990
a
Harris (Rev. S.)

Catechism: *Sup. Edition*

OTIOGWATOKENTI.

TONTATERIHONNIENNITA.

NONGWEHOGON.

Nok tsinigariwake ne kenthō gariwatanion, gariwison, agwegon nongwe ne henieriwaien-terihake nonen Nariwawakon hensagoriwani-ratshe tsi iagot-negoserhon: iken confirmation, gonwanatongwa Notiogwatokenti.

Iontateriwanontonni. Nohoten iesaiats?

Taiontati. N.

Ion. Onga iesasennawi?

Ta. Ne ionk-sennawi ne tehoti-iena tsahonk-negoserawe, ethone wagiatarahon rahotiogwake ne IESOS KERISTOS, Niih ragienha iotonhon, nok tewakenaktaien ne Garonhiake, ne tokenske-onwe hentkeriwaierite ne Gariwiiostonke.

Ion. Oh-nahoten wahesariwisahase ne tehoti-iena ethone tsahesanegoserawe?

Ta. Ionkeriwisahani nok Rotiwennentahon, asen nigariwake nak-sennagon: Tiotierenton, ne-ne isini iahi-iatonti Nonesenronon, nok agwegon tsinihoiotenseraien, iken, ganaiesera, nok oni, ne iah othenon tegasta gariwanakere ne kenthō Iotonwentsianeren ionwentsiate, nok oni, agwegon ne gariwaneren ne Ieronke nongwe ganonwes.—Tekenihatōn, agwegon oni hontongwetakon tsini-gariwake gariwanoronson ne iagoriwiioston tiagawetakon. Nok Asenhatōn, akeriwanorongwake tsini-honikonratokentitseroten ne Niih, nok oni, tsiniwatiawenratserake rakeriwaienni na-keriwa-

norongwake nok ne sagariwat ahongwat-hahitake niatewenniserake tsi-nenwe agonnheke.

Ion. Iah-ken tesere tsi sennontonnion, agwa saterihonte nontisetakon, nok etho nahasiere tsi-nahoten ne sasennagon iesariwisahani tsahe-sane-goserawe?

Ta. Etho tokenshe-onwe niwakenikonroten; nok a-iawenhens a-hagienawase ne Niih etho nahagi-ere tsini-ionkeriwisahani: Nok agwa, agwe-riasakon tehinonweratons ne songwaniha ne Garon-hiake tenteron, tsi rakinongon nok etho nonwe nihakiteron tsi nonwe nenwaton ne Garonhiake hengatshennonni, ne ra-o-ri-wa ne Iesos Keristos sesongwasgontagwen: Nok ri-iennitentase ne Niih nahakitenre ne a-hakerihon ne Rahoianerens-tagwa, nok ne a-hongienawase tsi ok-tiagatonnhok-ten ne a-hongienawakonhake tsinigariwake rake-riwisahani.

Ion. Sat-rori tsinigarihotens ne tisetakon.

To. Tewaketakon ne Niih Ronwaniha, iah othenon tehonoronse, roteweiennonni ne Garonhia nok oni Nonwentsia:

Tewaketakon oni ne IESOS KERISTOS raonha-tsiwa Niih roienha ne songwawenniio; ongwe rotonhon, ne roiatison ne Ronikonratokenton; *On-wari* roteweton iah teganagwaienteri; *Pontias Pilitas* roroniakenton, tegaiasontne ronwaiatanen-takton, Rawenheion, nok ronwaiataten; honwen-tsiagon iehokton; nok asen watonta niwenniserake sotonnheton; Garohiake ieshawenonton, nok etho ieshenteron tsi raweientetakon ne Niih Ronwani-ha iah othenon tehonoronse; etho tent-haientangwe nonen tentesagoiaretane neniagonnheke nok oni ne iagowentahon.

Tewaketakon oni ne Ronikonratokenton; Ken-tiogwaien Notiogwatekenti Nonwentsiagwegon; Teiagoriwawakon Nagoiatatokentison; Sewatera-kewas ne gariwaneren; hensewatounhete ne Ie-

ronke nongwe, nok tsini-ienhenwe ientsiagonn-
hetie. *Amen.*

Ion. Oh-nahoten agwa sarihonnienni tsinigari-
wake ne ken iken tisetakon?

Ta. *Tiotierenton*, ne wakerihonnienni non-
tongwetakon ne raonhake ne Niih Ronwaniha,
iken raonha ragiatison, nok oni, raonha roteweien-
nison Nonwentsiagweson.

Tekenihaton, hontongwetakon oni ne raonhake
ne Niih Roienha, iken ne sesakes-gontagwen
ni-i nok oni agweson nongwe.

Asenhaton, Hontongwetakon oni ne raonhake
ne Niih Ronikonratokenton, iken ne ragiatato-
kentista, nok oni agweson nongwehogan ne Niih
sagoiataragwen nok raonha rahongweta iotonhon.

Ion. Wasiron ne-ne iesasennawi tsahesanego-
serawe iesariwisahani nok iesawennentase naseri-
wanorongwake tsiniwatiawenratserake ne Niih
iariwaienni naseriwanorongwake : Tak-rori gati
to-nigariwake?

Ta. Oieri.

Ion. Ga-gati nigaien.

Ta. Ne ki sagariwat tsinahoten ne Niih totati
ne Tewasenhaton Chapter ne Exodus; Raton,
I-I ne Niih Rawennio, tgwaiatinekenhon tsi
ionwentsiate ne *Egypt*, tsi nonwe ni-ietshinnhas-
gwe.

Tiotierenton.

I. Tosa o-iah ne Niihokon ahesaientake
Akonhatsiwa-ok.

Tekenihaton.

II. Tosa othenon ne Gaiatonni nahoten hasa-
tatonnien, iah oni ne othenon tonsagiatierenhake
ne Garonhiake ne-neken, iah oni Nonwentsiake
hetake, iah oni ne Ganonwakon gontinakere :
Tosa oni ne taseiatontshot-hase, iah oni Nase-

sennaienseke: Aseken, I-I ne Niioh Rawenniio, wakenos-hen Niioh, nok wak-heriwahesten ne Ek-sa-ho-gonha rahotiriwanera-aksera aoriwa ne Rotikstenhohonkenha, ienganiharane asen nok gaierihaton nengawatsirata tie ne rononha nenionkswenseke; nok henk-henatonhase tsiniwagaten-nitenraskon to-ok nenwenniawehetserasenhake tsi nengawatsirakehake ne rononha nenionkenonweseke, nok oni, nenhatiriwenhawake ne keriwisahani.

Asenhaton.

III. Tosa E-tsennaiesat ne Niioh Rawenniio; Aseken ne Rawenniio iah tahonton ne iah tasagoriwahestennire ne Ronwasennaiesata.

Gaierihaton.

IV. Seiarak *nok* senniseratoken tist ne a-hon-tatoken tike nonwe niwenniserate. Iaiak niwenniserake hensaioteke nok agwegon hensewe-ien-nentane tsinahoten sariwaien; aseken ne tsiatakhaton *nonwe* niwenniserate *Rawentawen* ne Niioh Rawenniio: Ne etho nonwe niwenniserate tosa othenon a-hesaioten, nise, iah oni ne E-tsienha, iah oni ne Se-ienha, iah oni ne hetsennhas, iah oni ne Sennhas, iah oni ne Satshenenhohon, iah oni ne hinon ni-tiagawenon ne Saunhohagon henieterrontake. Aseken iaiak niwenniserake ne Rawenniio roteweiennison ne Garonhia, nok one nonwentsia, nok oni, tsi Ganiataregowa, nok oni agwegon ne etho gonnes, nok wahatorishen ne tsiatakhaton nonwe niwenniserate; Ne gati waonni ne Rawenniio wahenniseranoronste ne tsiatakhaton nonwe niwenniserate; nok oni wahenniseratoken tiste.

Wiskhaton.

V. Etskon-nienstak ne Ianiha nok oni ne Sastienha, ne gati waonni a-ionnise a-sonnheke

Nonwentsiake tsi nonwe ni-iawe ne Niih Ra-wenniio.

Iaiakhaton.

VI. Tosa Serio.

Tsiatakhaton.

VII. Tosa seriwanera-ak ne ganagwake.

Setekonhaton.

VIII. Tosa Senens-go.

Tiotonhaton.

IX. Tosa sateriwenhawa nonowen natsenno-wenten ne satesenongwe.

O-ierihaton.

X. Tosa a-senos-ha ne satesenongwe tsi rononsote, tosa oni a-sasganekseke ne satesenongwe Rone, iah oni ne Romnhas, iah oni ne Rannhas, iah oni ne rahotshenenhogan, iah oni tsi ok nahoten roien.

Ion. Oh-nahoten agwa sarihonniennis ne oieri nigariwake ne Niih ken iariwakeronni ?

Ta. Wakerihonnienni tegariwake : Iken tsi nahagiere ne hontakeriwaierite ne raonhake nongati ne Niih tsinikon rakerihonte, nok oni tsinahagiere nontak-henikonraierite Nongwehogan.

Ion. To-nigarihoten ne Niih iarihonte ne raonhake nongatigwen ?

Ta. Tsi nigarihoten ne Niih rakerihonte, hontongwetakon ne raonhake ; a-hitshaniseke nok a-hinonweseke a-gweriasagwegon ;—nok oni, a-kenikonragwegon, a-gwatonnhets-heragwegon, nok oni agwa tsinikes-hatste a-hisennaienseke, tahi-nonweratonseke, nok raonhaha-ok a-hiniahesenhake, a-hi-iennitentaseheke, a-hisennanorongwake, nok oni a-kenorongwake ne rahowennatokenti, nok agwa tokenske-onwe ne tahongioteke nontahikonraierite tsi niwenniserake hengonnheke.

Ion. To-gati nahasiere ne hontaseriwaierite tsinahoten saterihonte Nongwene nongatigwen?

T'a. Ne hontakeriwaierite Nongwene nongatigwen, tsinahoten wagaterihonte, etho-ki nak-henonweseke tsinigatatenonwes ne i-i, nok etho agwewon Nongwe nak-he-iere tsi ak-heiateweienton, tsiniot ni-i ikere-hens etho na-iougiere : Nok ne iongwateweton akhenorongwake, ak-hegonnienstake nok ak-heienawaseheke : Nok tsinahagi-
giere ne rononhake ne Ratigowanense, ne gai-
anersera rontsterista ; ak-hegonnienstake nok ak-
hewennaragwake : Nok ne Ratiriwawakonson,
nok oni, ne Ratitsihenstati, nok oni, ne ionkeri-
honnienni, ak-heiatanoronstake, ak-heiateweienton
nok ak-heiat-hontatsheke tsi henionkerihonnien-
niheke ne Gariwiioston : Nok oni, a-hongwenni-
tenton nok tak-he-nonweratonseke agwewon ne
Iegowanense : Nok iah onga tak-hegarewate ne
kewennake, iah oni ne keweienake ; iah oni onga
tak-henikonrhaten oriwagwewon tsinigatierha ; iah
oni tahongientake nagweriasakon ne iotaksen nok
oni ne ionlatswens nagarihoten : Iah oni ne kes-
nonsake tagarane ne ganensgwen nagarihoten ;
iah oni ne kennasake ne iotaksen agatati, naken-
nowente, nok oni nak-heienrathonhase nongwe :
Iah oni ne Gieronke tagiesate, skennon tengonn-
heke, nok henwakeriwiiohake : Iah oni takenosha
nakerheke agwawen a-honton nagoren Nongwe-
sonha agowen ; nok tennon, a-hongioteke a-kesak-
seke tsinahoten hengonnhegon. nok hontakeriwa-
ierite tsinagonnhotenhake tsi-nahoten wagateri-
honte, tsi-ok nonwe ne Niioh nenhakiteron Non-
wentsiake.

Sagoriwanontonnis. Saterientarak Gien, iah
tahasgweni nontaseriwaierite ne ken iken tsinigari-
wake ; iah oni, tahasgweni ne a-sat-hahita tsini-
garihoten ne Niioh iarihonte, iah oni ne tokenske-

onwe a-tsewenniiostake tsi-sonnhe, ne toga, íah
ne tensaienawasere ne Rahoianerenstagwa : Ne
gati waonni, tiotkon a-tsenekenniheke na-iaiena-
wase, nok oni, na-tseniahesenhake tsi hensateren-
naienseke : Toga gati wagat-hontek ne toga
hengsweni ne a-saterennaientagwe ne Rawen-
nii Iesos Keristos Rahoterennaientatsera.

Taiontati.

Tagwaienha ne Garonhiake tesíteron ; Aiesa-
sennaíen ; A-outawe ne Sawenniiosera ; Tsini-
sanikonroten ethonaiawenne nonwentsiake, tsiniíot
ne Garonhiake ; Niatewenniserake tagwanata-
ranontensek ; Nok sasanikonrhen tsinikon gwani-
konraksaton, tsiniíot ni-i tsiongwanikonrhens no-
thenon ionk-hi-nikonraksaton. Nok tosa asgwat-
gawe nothenon a-iongwaniakonrotago : Nok ten-
non, heren tagwariwagwiten ne gariwaksen : Ise
sawenniiosera, íah othenon tesanoronse, nok agwa
saiataneragwat, íah tegagonte etho nen-iotonhake.
Amen.

Ion. Oh-nahoten hetsenekenni ne Niih ne ken-
íken tsiniwaterennaientatseres ?

Tu. Ne rinekennis ne Niih songwawennii-
nok songwaniha Garonhiake tenteron, tsi raonha
sagowis agwegon ne ioianeres, nahakerihon ne
Rahoianerenstagwa, nok oni agwegon nongweho-
gon ; etho gati nontawe a-tsitewasennaienseke, a-
tsitewawenniiostake tsi tionnhe, nok a-tsitewawen-
naragwake, nok etho nahetewaiere tsi agwa ni-
songwariwisahani. Nok oni, ri-ienniténtase ne
Niih, nasongion tsinahoten teíotonwentsioni non-
gwatonnhets, nok oni, ne tewaieronke ; nok oni
nasongwentenrheke, nok oni nonsahonikonrhen
tsinikon iongwariwaneren ; nok a-songwentenre
a-songwaiatanonstate nok a-songwaiatakennha,
íken, heren a-songwariwagwiten agwegon tsi-ok

nahoten naiogarewate nongwatonnhets, nok oni, ne tewaieronke, nok oni, nasongwaiatakennha ne tosa a-hetewatsteriste ne gariwaneren nagarihoten. nok oni ne iotaksen, nok oni, ne tosa a-ionk-hisenni ne ionk-hiriwaswase ne Gariwiiostonke, nok oni, ne tosa iah tegagonte a-hetewatgaronni : Tsini-gariwake ne ken iken, wakerhare ne ethonahaiere ne Niih, ne tsinihotennitenraskon, nok oni tsinit-horiwaieri; ne raoriwa etho nenhaiere ne songwawennii Iesos Keristos; ne gati waonni wakiron. *Amen.*

Iontateriwanonttonni.

To-nigariwake ne Sakrement*, roriwaien ne Iesos Keristos ne Otiogwatokentike?

Ta. Tekeni-ok, ne-ne tei-tonwentsiohon ne Garonhiake a-iontshennonniatagwe nongwe; ne iken ne iontons, *Iontatnegoserasta*, nok oni ne *Eucherist*, iken oriwatokentigowa ieiatarasta.

Ion. Oh-nohoten sarongata, nok oni, nahoten kenton ne ken iken tsinigawennoten ne sakrement?

Ta. Ne garongata tsini iorihoten ne iont-gatos watenientenston, tsi nakon ongweriaskou iengariwaiantane ne Gaianerenstagwa nagarihoten, ne songwawe nok raonha songwariwisahani ne Iesos Keristos : Nok oni, tsinahoten watenientenston, ne roriwaniratstakon ne Iesos, tsi henwaton ne heniongariwaiantase ne Gaianerenstagwa nagarihoten.

* Tsinigawennoten ne Sakrement, iawe waton *Watenientenston*, nok *Ieriwaniratstagwa*. *Tsi-iontatnegoserasta* nongwe, iawe ne watenientenston, tsi henwaton agaweriasagon iengariwaiantane ne *Ieriwaniratstagwa*, tsi ne onen nenieiatarane, ethone onen iawe waheriwanirate tsi raonhatsiwa-ok ne Rawennii henhonwawenniiostake tsi-iagonnhe. Tetsiaron gati ne ken iken tsinigarihoten, etho igare nok oni ne kenton tsinigawennoten ne iontons *Sakrement*.

Ion. To-nateioteriwak-hasion ne aoriwake ne sakrement ?

Ta. Tekeni, ne iken ne iont-gatos ne watenientenston, nok oni, tsi nakon ongweriasakon iegariwaientas ne Gaianerenstagwa nagarihoten.

Ton. Oh-nahoten ne iont-gatos watenientenston, nok oni, to-ni-ieierha tsi iontat-negoseras ?

Ta. Oh-neganos ne iont-gatos watenientenston ? nok tsini-ieierha ne wahontat-negoserawe, ionton, *Rasernakon ne Ronwaniha, nok Ronwaienha, nok oni, ne Ronikonratokenton.**

Ion. To-ne nigarihoten, tsi nakon ongweriasakon iegariwaientas ne Gaianerenstagwa nagarihoten ?

Ta. Ne ki tsi kenheions ne gariwanera-akse-ra nagarihoten ne ongionhake nongatigwen, iken, tsi isini ietsiongwarihonties ne gariwaneren nok ase sewatons nongwanikonra, nonen ne wetewatsteriste tsinigariwatokentitseroten ne ioteriwagwarision: Ne waonni, tsi gariwanera-akseragon tsi ongwe iongwatonhon, nok tiotkon kenioteriwate nasongwarewate ne Rawenniio ; ne waonni, teiotonwentsiohon ne Gaianerenstatserakon honsetewennakerate, nok tsi naiongwariwiihake ne iawe hongwaienho gonha ahenkenhake ne Gaianerenstagwa nagarihoten.

Ion. To-nigarihoten teiotonwentsiohon nongwe tsinaiagorihotenhake, nok oni, tsi na-iontiere, nonen henwaton heniontat-negoserawe ?

Ta. Hentsiontat-rewate, hentsiagorihonti ne gariwaneren, nok hontaiagawetakon, nok oni, agwa a-ioriwanironhake tsi hontaiagawetakon. tsi-

*Nonen wahon-tat-negoserawe, tesagotiasontani ne ie-ken-gwarake ne Ratitsihenstatsi ; ne-ne tosa nonwenton a-iontehen tsinihoriwatokentitseroten ne Tegaiasontne nonwa nihawenheion.

nikon ne Niih sagorharatstenni ne atshennonniata nagarihote, ne aoriwake ne *Sakrement* Atatnegoserhen.

Ion. Oh-gati-ne ni-iotieren tsi iontatnegoseras ne Ek-sahogonha, iah-se ne taiegweni hontaieri-waierite tsini-iorihote ne a-tatnegoserhon, ne wa-onni tsi sotsi sekon ken-ni-iagaha?

Ta. Ne ki waonni, tsi iontateriwisahanis ne Eksaha, tetsiaron ne iontatshennawis; nok ken nigariwisahatseroten iontateriwisahanis, nonenhenionteiaron Nek-saha, aga-onha hentieriwaierite nok etho-nenie-iere tsinigarihote iontatewenentase ne iontatshennawi.

Ion. Ohne-nahoten gariwaientakon tsi gariwison ne Sakrement Eucherist, nok iontateriwaienni Notiogwatokenti?

Ta. Ne gariwaientakon ne tiotkon ne honsaia-gawearagwenniheke tsi rotewenteton tsi ronnhewe nok rawenheion ne Iesos Keristos; nok etho tgaientagwa tsi gowanen iongwaientas ne atshennonniata nagarihote.

Ion. Ohne-nahoten ne iont-gatos watenientenston, ne aoriwake ne Eucherist, iken, ieiatarsta?

Ta. Ganatarok nok Otsitsia, ne iken ne raonha ne Rawenniio Iesos roriwison henie-ienaseke ne tiagawetakon ne raonhake nok oni ne gariwiiostonke.

Ion. Ohne-nahoten ne nakon gaiatarekon ne watenientenston tsiniiorihote ne Eucherist?

Tu. Ne-ne Raieronke, nok onii ne Rahonegwensa ne Iesos Keristos, ne iken ieienas ne tiagawetakon, nok tsi tokenske-onwe tiagawetakon, ne iagoienawase nagonikonragon, tsiniot ne agwa a-ie-iena ne Raieronkekenha, nok oni, ne Rahonegwensakenha ne Iesos Keristos.

Ion. Oh-nahoten tewatshennonniatagwa ne ken iken tsiniiorihote ne ie- iatarasta?

Ta. Ne tewatshennonniatagwa, tsi ne ioiatanirhatsta, nok oni, tsiotennhaganonnitsta nongwatonnhets ne Raieronkekenha nok oni ne Rahonegwen-sakenha ne Iesos Keristos ; tsiniiot ne Ganatarok, nok oni, Notsitsia ne ioiatanirhatsta ne Tewaieronke.

Ion. To-nigarihoten tei-tonwentsiohon tsina-iagorihotenhake Nongwe ne wahrenre agiatarane ne Rawenniio Iesos Rahoriwatokentike leiatarasta?

Ta. Taiontatiatorete, nok gasiken, agwa tokenske-onwe hentsiagotatre-waton tsinikon iagoriwanneren ; nok a-iagonikonranirorhake tsi a-ionterientasa tsi a-ienrheke agwa ase tsinens-gomuhotenhake ; nok hontaiagawetakon tsinihoternitenraskon ne Niioh, ne raoriwa ne Iesos Keristos : Nok tahonwanonweratonseke, tsi, a-iakeiaraseke tsirawenheion ; nok agwegon Nongwe a-iontatenoron-gwake, tsiniiot ne hontatekenhogonha a-kenhake.
Amen.


¶ Agwegon ne Ratitsihenstatsi tsi nonwe nisagonatsterista, henhatinikonrarake ne ahontatokentike, nok oni, tsi nonwe niwenniseratenion ne iagawenniseranoronston ne Otiogwatokenti, nok oni noiason tsi nonwe niwenniserate ne henhonatongweiose, tenhotinnhohonti ne Ononsatokentike, nok etho hensagotirihonnien ne iontateriwanontonta, tsini-iagon ne Ek-sahogonha ne etho hentiontat-reke ne hontatienhogonha.

¶ Nok oni, ioteriwison agwegon ne Iagowiraienton ; heniongwison ne a-gokstenha, tsi etho ieniontat-rek-seke agwegon ne hon-

tatienhogonha, tsi nonwe ne Ratsihenstatsi nensagorihonnienniheke : Nok agwa ne Ek-sahogonha a-iont-hontatsheke, nok a-iagotsteniaronke naieweientetane tsinigariwatokentitseroten ne Ratsihenstatsi hensagorihonnien-niheke.

¶ Tsi onen ne Ek-sahogonha neniont tokhake, nok henieweientetane ne Tewaketakon, nok oni, ne Tagwaienha, nok oni, ne Oieri nigariwahe ne Niih songwariwaienni, nok oni, henieweientetonhake oriwagwegon ne Iontateriwanontonta gonwaiats; ethone onen ne Ariwawakon tensagotesnonsaherhase nok hensagoriwaniratshe tsi iagot-negoserhan.

¶ Nonen ne Ariwawakon henharihowanate tsi hensagoriwaniratshe ne Ek-sahogonha tsi iagot-negoserhon, iken tsi tensagotesnonsaherhase ne Ie-non-tsi-ne; nok tsi onen ne Ariwawakon hensagonatorensenon tsi nonwe nisagonatsterista ne Ratitsihenstatsi, agwegon hensagotisennaronnion ne Ek-sahogonha ne tsini-iagon ne henhonnere onen etho ni-iont-tokha, nok oni, etho ni-ieriwaienteri noriwatokentison tsi-ni-ioteriwison; nok ra-onha ne Ratsi henstatsi ne sagotsterista henhatatshennaren nok ne henhariwaniratstagwe tsi tokenske onen etho ni-ieriwaienteri tsi niioteriwison; nok ne Ratsihenstatsi, ne ienhahon ne Gaiatonsera ne Ariwawakon.



Ayer

3A

620

AYER

Omeida

4

